

**Ceredigion**  
**Public Services Board**

**Cyfarfod 35**  
**13 Mehefin 2023**  
**Cyfarfod Rhithiol dros Zoom**

**COFNODION**

<b>Yn bresennol:</b>	
Hazel Lloyd Lubran (HLL)	Cadeirydd, CAVO
Gavin Bown (GB)	Is-gadeirydd, Cyfoeth Naturiol Cymru
Rachel Jarvis (RJ)	Cyfoeth Naturiol Cymru
Y Cyngorydd Bryan Davies (BD)	Cyngor Sir Ceredigion
Barry Rees (BR)	Cyngor Sir Ceredigion
Dr. Phil Kloer (PK)	Bwrdd Iechyd Prifysgol Hywel Dda
Dr Peter Skitt (PS)	Bwrdd Iechyd Prifysgol Hywel Dda
Dr Joanna Dainton (JD)	Bwrdd Iechyd Prifysgol Hywel Dda
Megan Harris (MH)	Tîm Iechyd Cyhoeddus, Bwrdd Iechyd Prifysgol Hywel Dda
Iwan Cray (IC)	Gwasanaeth Tân ac Achub Canolbarth a Gorllewin Cymru
Gwilym D. Jones (GJ)	Prifysgol Cymru y Drindod Dewi Sant
Rhodri Llwyd Morgan (RLM)	Prifysgol Aberystwyth
Dewi Day (DD)	Prifysgol Aberystwyth
Claire Bryant (CB)	Swyddfa Comisiynydd yr Heddlu a Throsedd
Vanessa Cashmore	Coleg Ceredigion
<b>Hefyd yn bresennol:</b>	
Amy Richmond-Jones (ARJ)	Gwasanaeth Tân ac Achub Canolbarth a Gorllewin Cymru
Baillie Olivia-Jones (BOJ)	Gwasanaeth Tân ac Achub Canolbarth a Gorllewin Cymru
Greg Jones (GJ)	Cyngor Sir Ceredigion
Y Cyngorydd Wyn Evans (WE)	Cyngor Sir Ceredigion
Y Cyngorydd Catrin Davies (CD)	Cyngor Sir Ceredigion
Alun Williams (AW)	Cyngor Sir Ceredigion
Y Cyngorydd Matthew Vaux (MV)	Cyngor Sir Ceredigion
Gerwyn Jones (GJ)	Cyngor Sir Ceredigion
Iwan Davies (ID)	Cyngor Sir Ceredigion
<b>Tîm Cymorth y Bwrdd Gwasanaethau Cyhoeddus:</b>	
Diana Davies (DD)	Cyngor Sir Ceredigion
Tim Bray (TB)	Cyngor Sir Ceredigion
Anwen Thomas (AT)	Cyngor Sir Ceredigion
35.1	Ymddiheuriadau, cyflwyniadau a datganiadau o fuddiant

Croesawodd y Cadeirydd, Bryan Davies, bawb i'r cyfarfod a nodwyd yr ymddiheuriadau.

**Ymddiheuriadau:**

Victoria Jones, Llywodraeth Cymru  
Ross Evans, Heddlu Dyfed-Powys  
Jan Batty, Bwrdd Iechyd Prifysgol Hywel Dda  
Andrew Cornish, Coleg Sir Gâr  
Y Cyngorydd Keith Evans, Cyngor Sir Ceredigion  
Maria Battle, Bwrdd Iechyd Prifysgol Hywel Dda  
Christine Harley, Gwasanaeth Prawf  
Dafydd Llywelyn, Comisiynydd yr Heddlu a Throseddu

35.2 Ethol Cadeirydd ac Is-gadeirydd

Nododd y Cyngorydd Bryan Davies (BD) ei fod wedi dweud y llynedd pan ymgwymerodd â rôl y Cadeirydd y byddai'n gwneud y rôl am flwyddyn cyn trosglwyddo i'r Is-gadeirydd. Felly cynigodd BD y dylai Hazel Lloyd-Lubran fod yn Gadeirydd newydd ar Fwrdd Gwasanaethau Cyhoeddus Ceredigion. Roedd pob aelod o'r Bwrdd Gwasanaethau Cyhoeddus o blaid y cynnig a phenodwyd HLL yn Gadeirydd y Bwrdd, ac roedd hi'n hapus i ymgymryd â'r rôl. Diolchodd HLL i bawb am y cyfle ac roedd hi'n edrych ymlaen at gael eu cymorth i gyflawni'r amcanion a bennwyd yng Nghynllun Llesiant Lleol Ceredigion 2023-2028.

Cynigodd Rhodri Llwyd Morgan y dylai'r Is-gadeirydd newydd fod yn un o aelodau statudol y Bwrdd. Cynigwyd y dylai Gavin Brown (GB) o Gyfoeth Naturiol Cymru fod yn Is-gadeirydd am 6 mis i ddechrau, ac roedd GB yn hapus i dderbyn y cynnig.

35.3 Cyfarfod blaenorol Bwrdd Gwasanaethau Cyhoeddus Ceredigion – 24 Ebrill 2023

Cytunwyd bod cofnodion y cyfarfod a gynhaliwyd ar 24.04.2023 yn gywir.

35.4 Materion yn codi o'r cyfarfod blaenorol

Cadarnhaodd Diana Davies (DD) a Tim Bray (TB) fod yr holl gamau gweithredu blaenorol (isod) wedi'u cwblhau:

**CAM GWEITHREDU:** Byddai Tîm Partneriaethau Cyngor Sir Ceredigion yn rhannu fersiwn ddrafft y Fframwaith Llywodraethu a Chyflawni gydag aelodau'r Bwrdd Gwasanaethau Cyhoeddus.

**CAM GWEITHREDU:** Byddai pob aelod o'r Bwrdd Gwasanaethau Cyhoeddus yn dangos y fframwaith i'w sefydliadau fel y gallent nodi'r grwpiau partneriaeth yr oeddent yn rhan ohonynt.

**CAM GWEITHREDU:** Byddai eitem ynghylch dyddiadau a lleoliadau posibl ar gyfer lansiad y Cynllun Llesiant newydd yn cael ei rhoi ar agenda cyfarfod nesaf y Bwrdd Gwasanaethau Cyhoeddus.

35.5 Cynllun Llesiant Ceredigion 2023-28:  
Diweddariad am y Fframwaith Cyflawni

Estynnodd HLL groeso i TB i'w gyfarfod cyntaf o'r Bwrdd fel Rheolwr Partneriaethau ac Argyfyngau Sifil Posibl newydd Cyngor Sir Ceredigion (CSC). Yn ddiweddar, rhannodd TB ddiweddariad am y Fframwaith Cyflawni ag aelodau'r Bwrdd dros e-bost. Nododd y Cadeirydd fod angen i bartneriaid lleol ystyried lle byddant yn ychwanegu at y cynllun a nodi uwch swyddogion penodol. Nododd TB fod y fframwaith a rannwyd yn flaenorol yn un wag oherwydd roeddem eisiau adborth ynghylch sut i'w lenwi er mwyn sicrhau ein bod ni'n mynd ati yn y ffordd gywir i

gasglu, tracio a monitro'r gweithgarwch a oedd yn digwydd er mwyn cefnogi'r Cynllun Llesiant ac adnabod effaith ein gwaith yng Ngheredigion.

Roedd y Cadeirydd yn hapus â'r fframwaith arfaethedig a nododd ei fod yn ffordd dda o dracio a monitro cynnydd ar y cyd. Cytunodd RLM fod hyn yn ffordd effeithiol o arddangos yr amcanion llesiant a'r syniadau y tu ôl i'r camau a gymerwyd ar gyfer partneriaid, ynghyd â'r nodau a'r amcanion.

Nododd Joanna Dainton (JD) ei rôl fel Pennaeth Gwella Iechyd y Boblogaeth yng Nghyfarwyddiaeth Iechyd y Cyhoedd Hywel Dda. Cadarnhaodd eu bod nhw wedi creu cynllun gwella iechyd a llesiant drafft ar gyfer Hywel Dda a'r partneriaid a byddai'r cynllun yn mynd allan i ymgynghoriad yn fuan.

**CAM GWEITHREDU: Byddai JD a TB yn rhannu'r ymgynghoriad ynghylch Cynllun Gwella Iechyd a Llesiant Bwrdd Iechyd Prifysgol Hywel Dda ag aelodau'r Bwrdd Gwasanaethau Cyhoeddus pan fyddai'r drafft terfynol yn barod.**

Cafodd y Bwrdd drafodaeth ynghylch y grwpiau gwahanol a oedd wedi'u rhestru yn y fframwaith cyflawni ynghyd â'r swyddogion arweiniol a restrwyd. Awgrymodd y Cadeirydd efallai y byddai'n amserol adolygu'r Cylch Gorchwyl a'r rhestr aelodaeth yng ngoleuni'r Cynllun Llesiant newydd.

**CAM GWEITHREDU: Byddai HLL, DD a TB yn adolygu rhestr aelodaeth y Bwrdd Gwasanaethau Cyhoeddus o fewn y Cylch Gorchwyl.**

Cytunodd y Bwrdd y dylai Grŵp Gorchwyl a Gorffen gyfarfod i drafod llenwi mwy o'r fframwaith cyflawni.

**CAM GWEITHREDU: Dylai'r holl bartneriaid ddarparu adborth ynghylch y cynllun cyflawni drafft erbyn 26.06.2023.**

**CAM GWEITHREDU: Byddai Tîm Partneriaethau CSC yn trefnu Grŵp Gorchwyl a Gorffen i lenwi mwy o'r fframwaith cyflawni.**

35.6	Cynllun Llesiant Lleol Ceredigion 2023-28: Trafodaeth ynghylch y Lansiad
------	---

Cafwyd trafodaeth ynghylch nod y lansiad. Nododd y Cadeirydd bwysigrwydd cyfleu nodau ac amcanion y Cynllun Llesiant yn llwyddiannus ynghyd ag esbonio sut roeddem ni'n bwriadu cyrraedd y nodau a'r amcanion ynghyd â mesur y canlyniadau. Nododd Alun Williams (AW) fod Uwch Swyddogion o fewn y sefydliadau partner yn un o'r rhanddeiliaid allweddol i'w hystyried oherwydd dylai'r lansiad hwn amlinellu'r disgwyliadau o ran cyfraniad y sefydliadau partner. Awgrymodd GB y dylid cymharu ac archwilio meysydd gwaith y gallem ganolbwyntio arnynt yn rhanbarthol er mwyn cael mwy o effaith a denu pobl i mewn. Awgrymwyd y gallem gynnal un digwyddiad HWB canolog a rhai mwy lleol.

Awgrymodd TB efallai y byddai'n fuddiol aros ychydig o amser i'r Cynllun Cyflawni gael ei ddatblygu'n llwyr ac yna cael lansiad gyda chyfuniad o gyflwyniad a gweithdy er mwyn cael adborth oddi wrth y cyhoedd ynghylch y dull gweithredu.

Cynigodd y Cadeirydd y byddem angen o leiaf 2-3 wythnos ar ôl i'r Grŵp Gorchwyl a Gorffen gwrdd er mwyn deall sut mae'r proffil yn edrych ac i drefnu lansiad.

Cytunwyd y byddai'r lansiad yn cael ei ystyried ochr yn ochr â'r trafodaethau am y Cynllun Cyflawni.

35.7	Cyflwyniad Cludiant Cyhoeddus Ceredigion
------	--

Cyflwynodd Gerwyn Jones (GJ) ei hun i'r Bwrdd fel Rheolwr Corfforaethol – Gwasanaethau

Amgylcheddol Cyngor Sir Ceredigion. Cafodd y bwrdd gyflwyniad a gyflwynwyd i Gabinet Cyngor Sir Ceredigion yn gynt yn 2023.

Isod nodir rhai o'r pwyntiau allweddol:

- Roedd amllder y bysiau ar y rhwydwaith craidd wedi lleihau ers cyn COVID ac roedd y gwasanaethau'n cael trafferth adfer.
- Cryfderau: Lefel dda o wasanaeth ar y prif lwybrau, cynllun arloesol 'Bwcabus' yn gwasanaethu rhan fawr o dde Ceredigion, disgwyliadau realistig gan y gymuned, Tîm CPTU sefydledig, perthynas iach â rhanddeiliaid.
- Gwendidau: Cyfleoedd cyfyngedig i ffwrdd o'r prif lwybrau, dibyniaeth ar grantiau Llywodraeth Cymru, diffyg gweithredwyr / cystadleuaeth.
- Cyfleoedd: Ehangu gwasanaethau ac ôl-troed TrawsCymru ar draws y sir, ehangu ôl-troed Bwcabus i ddarparu mwy o drafnidiaeth yn y gymuned, integreiddio tocynnau bws a thrên.
- Bygythiadau: Llai o alw (gweithio o gartref a siopa ar-lein), diffyg gyrwyr bws, diffyg cyllid tu ôl i'r cynlluniau sy'n cael eu trafod.
- Pe baem yn gallu profi bod y galw yno, mae'n bosib y byddem ni'n gallu cael cyllid ychwanegol i ddarparu llwybrau a gwasanaethau bws ychwanegol.
- Mae'n faes cymhleth gan nad oes un corff unigol yn llwyr gyfrifol am lywodraethu a darparu'r gwasanaethau.
- Ansicr sut fydd y rhwydwaith yn edrych yn y dyfodol.

Nododd y Cadeirydd y bu problemau sylweddol gyda thrafnidiaeth am yr 20 mlynedd diwethaf, ac wrth gwrs roedd natur wledig Ceredigion yn ffactor enfawr yn y problemau a wynebwyd. Pwysleisiodd GJ fod y gwasanaethau roeddem ni'n eu darparu'n adlewyrchu'r hyn yr oeddem ni'n gallu ei fforddio yn seiliedig ar y cyllid oddi wrth Lywodraeth Cymru. Roedd trafodaeth Cymru gyfan yn cael ei chynnal ynghylch y cyllid presennol a fyddai'n dod at ei derfyn ym mis Gorffennaf. Nid oedd disgwyl i hyn gael effaith mor andwyol ar Geredigion â'r ardaloedd trefol lle yr oedd pobl yn dibynnu'n helaeth ar drafnidiaeth bws.

Dywedodd TB fod gan Brifysgol Aberystwyth grŵp ymchwil a oedd yn cyfarfod i drafod trafnidiaeth a symudedd. Awgrymodd HLL y dylai hi a TB fynd i'r cyfarfod nesaf er mwyn deall cwmpas y gwaith cyn i'r Bwrdd ganolbwyntio ar hyn fel maes gwaith.

**CAM GWEITHREDU: Byddai HLL a TB yn trafod â Rhian Rees (Iechyd Cyhoeddus Cymru) ynghylch mynd i gyfarfod am Drafnidiaeth a Symudedd a drefnwyd gan Brifysgol Aberystwyth.**

35.8	Strategaeth Mamolaeth a'r Blynyddoedd Cynnar ar gyfer Gorllewin Cymru
Cafodd y Bwrdd gyflwyniad gan Iwan Davies, Rheolwr Corfforaethol – Ymyrraeth Gynnar Cyngor Sir Ceredigion. Roedd y cyflwyniad yn canolbwyntio ar Strategaeth Mamolaeth a'r Blynyddoedd Cynnar ar gyfer Gorllewin Cymru, a nodir y prif bwyntiau isod:	
<ul style="list-style-type: none"><li>- Cyflwynwyd cais gan Awdurdodau Lleol Ceredigion a Sir Gâr, ar y cyd â Bwrdd Iechyd Hywel Dda, i fod yn ardaloedd braenaru. Cafwyd cyllid i beilota a phrofi ffyrdd o Drawsnewid Integreiddio'r Blynyddoedd Cynnar, a ffurfiwyd Grŵp Llywio Mamolaeth a'r Blynyddoedd Cynnar. Ym mis Ionawr 2021, llwyddodd Sir Benfro â'u cais nhw i ymuno â'r Rhaglen Fraenaru. Yn 2021 / 2022 bu cynrychiolwyr o'r tri Awdurdod Lleol a Bwrdd Iechyd Hywel Dda yn cydweithio i lunio Strategaeth Mamolaeth a'r Blynyddoedd Cynnar ar gyfer Gorllewin Cymru.</li><li>- Roedd y strategaeth yn canolbwyntio ar gefnogaeth yn ystod 7 mlynedd gyntaf y plentyn, gan gydnabod pwysigrwydd y blynyddoedd ffurfiannol hyn wrth siapia iechyd a lles y plentyn</li></ul>	

at y dyfodol, a nod y strategaeth oedd hyrwyddo cydweithio rhwng gwasanaethau cymorth yn y cyfnodau cyn geni a'r blynyddoedd cynnar.

- Roedd y strategaeth ar gael ar wefan Strategaeth Mamolaeth a'r Blynyddoedd Cynnar ar gyfer Gorllewin Cymru. Y nod oedd creu dogfen ddarllenadwy ar gyfer gweithwyr proffesiynol a'r cyhoedd. Roedd yn canolbwyntio ar ddarparu a gwella gwasanaethau ar gyfer plant, rhieni a gofalwyr.
- Roedd y wefan yn dangos y gwasanaethau a oedd ar gael, ynghyd â'r hyn yr oedd y strategaeth yn anelu at ei gyflawni yn y dyfodol o fewn y 5 thema a nodwyd.
- Roedd Bwrdd Iechyd Hywel Dda yn gweithio ar adeiladu dangosfwrdd data ar gyfer mamolaeth a'r blynyddoedd cynnar a fyddai'n ddefnyddiol ar gyfer nifer o sefydliadau partner.
- Cymeradwywyd y strategaeth gan Grŵp Arweiniol, Pwyllgor Craffu a Chabinet y Cyngor. Pan fyddai sefydliadau partner wedi cael yr un gymeradwyaeth, byddai'r wefan yn fyw a byddai dolen yn cael ei rhannu ag aelodau'r Bwrdd.

**CAM GWEITHREDU: Byddai ID yn rhannu'r ddolen ag Aelodau'r Bwrdd Gwasanaethau Cyhoeddus pan fyddai gwefan 'Strategaeth Mamolaeth a'r Blynyddoedd Cynnar' yn fyw.**

35.9	<p>Diweddariad ar Brosiectau Peilot y Bwrdd Gwasanaethau Cyhoeddus sy'n seiliedig ar Le:</p> <p><b>i. Aberystwyth Carbon Niwtral a'r Strategaeth Datgarboneiddio</b> (Rachel Jarvis, Cyfoeth Naturiol Cymru)</p> <p><b>ii. Gwella Lles Cymunedol a Mynd i'r Afael â Chaledi yn Aberteifi</b> (Hazel Lloyd Lubran, CAVO)</p> <p><b>iii Llesiant yn Llanbedr Pont Steffan</b> (Elen James, CSC)</p>
------	---

Rhannwyd copïau o ddiweddariadau prosiectau peilot ii ac iii â'r aelodau o flaen llaw, ac oherwydd prinder amser cynigodd y Cadeirydd y dylid trafod y diweddariadau hyn yn y cyfarfod nesaf. Cadarnhaodd GB y gellid rhannu diweddariad ysgrifenedig gan Rachel Jarvis yn y cyfamser.

**CAM GWEITHREDU: Byddai GB a RJ yn rhannu diweddariad ysgrifenedig ynghylch cyfarfod Aberystwyth Carbon Niwtral a'r Strategaeth Datgarboneiddio.**

35.10	<p>Adborth oddi wrth Bwyllgor Cydlynu Trosolwg a Chraffu Cyngor Sir Ceredigion</p> <p>Roedd y Cynghorydd Wyn Evans wedi gadael y cyfarfod, ond nododd DD fod cwestiwn penodol wedi codi ynghylch Adroddiad Gwaelodlin Cyfoeth Naturiol Cymru o ran y Risgiau yn Sgil y Newid yn yr Hinsawdd a'r amserlen ar gyfer yr adroddiad hwnnw. Cadarnhaodd GB fod adnoddau'n cael eu casglu er mwyn cynnal yr asesiad ar draws ardal pob Bwrdd Gwasanaethau Cyhoeddus, ond yn anffodus nid oedd amserlen wedi'i gadarnhau ar y pryd.</p>
35.11	<p>Unrhyw fater arall</p> <p>Ni chodwyd unrhyw fater arall.</p>
35.12	<p>Dyddiadau'r cyfarfodydd nesaf:</p> <p>4 Medi 2023 am 14:00-16:00</p> <p>4 Rhagfyr 2023 am 14:00-16:00</p>